



乾隆安殿本

千秋海晏

乾隆安殿本

千秋海晏

文化艺术出版社
Culture and Art Publishing House



千秋海晏

[扮漢臯女上唱]

八仙會蓬萊

瑞靄繽紛駕着這青霓赤電離蓬

瀛

玉輦巡春喜共仰

唐堯也那臨境

[白]

馥郁彩雲移

齊天聖壽期瑞禽呈瑞草靈獸獻靈芝吾乃漢臯女

是也名登仙籍丹駐紅顏珮解明珠漫贈漢川

之客塵生羅襪嘗邀洛水之妹今因

聖天子三幸五臺早奉郝女君法旨命我向海上神

山招集仙班恭迎

聖駕為此駕雲前往

唱

共仰着

皇圖鞏固且看這飛鳥滿昇平

洛川妃上接唱

承仙

命俺只恐耽誤了程期留頓和那時句

漢女白

仙妹稽首

洛妃白

仙姊稽首

漢女白

仙妹何往

洛妃白

妹奉郝女君相召到五臺山彙集諸仙

恭迎

聖駕

漢女白

我亦為此而來

洛妃白

如此一同前往

漢女白

請

合唱

十段九雲鑼幸逢着

堯天

至德日光亨方能得海晏與河清只見那三山五嶽

衆神靈一個個飛雲掣電端只為扈

鸞旌堪羨那國富民康歡欣

聖德日新

帝道遐昌永享咸寧

同下

扮八水卒執旗舞上二朝官金童玉女引東

海公帶侍從上唱

北粉蝶兒海宇無塵真個是海宇無塵水晶宮

波平如鏡駕仙鰲背上瞻雲跨鼉梁開貝闕蓬

萊路穩日繞龍鱗頌安瀾萬方有慶白一望蓬

萊春色新指南到處盡來賓欣逢海不揚波日

齊集諸仙頌

聖人俺乃東海公是也恭逢

聖主當陽正是青雲千呂東風入律之時小神領袖
蓬萊安瀾有慶為此約海上諸仙同赴臺山獻
頌

南好事近

成連抱琴上唱

海上抱琴人

河上公

執麈尾上唱

笑踏煙波萬頃

琴高跨赤鯉上唱

偷騎赤鯉

釣鰲客持珊瑚竿上唱

連鰲釣手無

倫各通名介合白 東海公見名只索一同前去

合唱

雲開霧清點溫犀莫照蛟宮影採蘋花踏

徧珠江趁胡麻步到仙津

衆白

東海公見名有

何尊諭

東海公白

列位聽者

唱

北石榴花俺不是會笙歌醉倒這洞庭春也不

是宴金盤排列着鳳鸞羣俺只為

翠華春省

法駕時巡因此把花源芳信鄂渚迴文傳徧了翠生

生傳徧了翠生生凌波院裏神仙韻顫巍巍鳳
樓前也麼仰

聖一霎的載雲旗一霎的載雲旗飛過了蓬萊境抵
多少拜手屬車塵

衆白

聖天子三幸五臺乃累洽重熙之盛我等願隨霞旆
共覲

龍顏

東海公白

妙哉你看俺家郝女君又引着水晶

宮女伴來也

扮郝女君引漢臯女洛川妃上唱

南好事近

頭換

繽紛一隊燕鶯羣羞被春風管領

凌波微步果然羅襪生塵

郝女君白

我東海公

之婦郝女君是也今當

聖駕幸臨福地約漢女洛妃同往接

駕

二女白

便是我等一同前去

合唱

羅衫繡裙笑吟

吟共踏紅塵境解明璫玉珮誰家稅芝田翠草

何人

見介

列位大仙稽首

衆白

仙子少禮

東海

公白妙阿海上諸仙屆期而會又得郝女君約
水晶宮女伴而來可謂効忱抒悃千載一時之
盛也

北闕鸛鶒艷亭亭水珮雲裳艷亭亭水珮雲裳

翠臻臻風鬟霧鬢暖溶溶繡幄珠帷暖溶溶繡
幄珠帷高簇簇釵光鈿影白二位仙子既來接

駕何不把玉珮春鴻二舞對演一回唱俺這裡碧玉
堂開簇繡茵央及你迴綵袖蹴仙裙鬧紛紛鶴

舞鸞翔開紛紛鶴舞鸞翔賽過他一行行鶯聲

燕影

漢女洛妃白

既承台諭願奏微長

東海公

白請二位仙子對舞者

舞介東海公白

異哉此

舞招腰垂手俱不足數矣我等往觀海臺登眺

一回

遶場介唱

北上小樓暫停却紅筵韻同觀着碧海春一處

處雲護龍樓一處處雲護龍樓日射鯨波風恬

浪靜

白

聖人在上海不揚波四時騰珠見之光萬國利舟航
之涉真好朝宗景象也唱數不盡江漢朝宗數
不盡江漢朝宗金波不起玉濤永定纔顯的安
瀾有慶

扮海藏神捧大珊瑚引衆各執寶物隨上白
玉敕承恩澤職司護寶珍東海公在上小神叅
見東海公白爾職掌龍宮典司海藏來此何幹

海藏神白

聞得東海公帶領海上諸仙前往接

駕因此特來進寶

東海公白

聖天子在上仙祇効順銀甕丹瓶隨方畢現爾所有

何寶

海藏神白

俺有的是一統珊瑚

東海公白

快快獻來者

海藏神白

領法旨衆水神上前獻

瑞者

唱

北疊字犯

稳稳的波恬浪靜忙忙的瞻

天仰

聖沉沉的沙嶼洲匆匆的海藏神光明閃爍金盤兒

擎定燦燦的龍宮舊珍一椿椿待捧上

楓宸艷艷晶晶天街導引笑微微珊瑚宮闕舊波臣

東海公白

妙阿果然是一統珊瑚也

聖駕將臨就此山呼

九叩首介東海公白

衆水神各

回水府

合唱

意不盡剪春波一片芙蓉鏡共踏虹梁盼

紫宸俺待要虎拜嵩呼祝

聖君